

Piçul gjornâl dai fruts

SCUELE PRIMARIE di PANTIANINS



Edizion di jugn 2017

UN AN DI FURLAN A SCUELE !

Ve chi che o sin a presentâ, cun grant plasê, cheste gnove edizion dal nestri gjornalin, che di cuindis agns aromai al compagne la fin dal an scuelastic dai arlêfs di Pantianins. Dome cuatri pagjinis par contâus tropis robis bielîs e interessantis par furlan o vin fat ancje chest an a scuele!

Prime di lâ in vacanze, il nestri agrât al va a la Associazion Furlane Donatôrs di Sanc, pe sô ativitât di sensibilizazion te scuelis e ... par vê proviodût ae stampe dal nestri "Piçul gjornâl dai fruts"!

**Buine leture
a ducj,
ma soledut...
Buinis
vacancis !**

UN ANNO DI FRIULANO A SCUOLA!

Eccoci a presentare, con gran piacere, questa nuova edizione del nostro giornalino, che da quindici anni ormai accompagna la fine dell'anno scolastico degli alunni di Pantianico. Solo quattro pagine, per rac-

contarvi quante attività belle e interessanti in friulano abbiamo svolto anche quest'anno a scuola!

Prima di andare in vacanza, il nostro ringraziamento va all'Associazione Friulana Donatori Sangue, per la sua attività di sensibilizzazione nelle scuole e ... per aver

provveduto alla stampa del nostro "Piçul gjornâl dai fruts"!

**Buona lettura
a tutti,
ma soprattutto...
buone vacanze!**

Une gote di sanc
e dà sperance di vite.
A fa dal ben no si sbaglie mai.



Stin unis e volinsi ben!



Comune di
Merêt di Tombe
Sportel pe Lenghe Furlane

I fruts des PRIMIS e la BALADE DAI NUMARS !


Chest librut al è il risultât di un lavor fat dai picinins de scuele. E àn metut passion, sperin che us plasi!



UN CJÂF
PAR PENSÂ



DOI PÎTS
PAR CJAMINÂ



TRÊ LÂTS AL À
IL TRIANGUL



A CUATRI
ÇATIS
AL VA VIE
IL GIAT
SONAMBUL



CINC DÊTS E À
UNE MAN



SÎS MÊS A SON
MIEÇ AN



SIET A SON I DÎS
A LIS SETEMANIS



VOT A SON I PÎTS DI
CUATRI BEFANIS



NÛF MÊS PAR
NASSI AL STA
UN BIEL FRUT



DÎS DÊTS
TES MANECIS A
STAN TAL CJALDUT !




Lis SECONDIS e il cuader di furlan

Nô fruts di seconde, chest an o vin doprât un piçul cuader dulà scrivi, contâ storiis, fa dissens par ... doprâ il furlan!

Cjalait achì ce bielîs pagjinis !

Lis nestris mariutis cumò us svolaran in man e us puartaran fortune par vuê e par doman!



Lis TIERCIS e ...

... une piçule experience


Un dì di Novembar la mestre nus à fat provâ a scrivi cun ingjustri e penin. E je stade une experience une vore interessant, cualchidun al à vude ancje pôre. Par cualchidun al è stât tant facil e divertent. E je stade une robe propite speciâl ! Si sintivin come i fruts di une volte.



... une indagine statistiche

Nô fruts di tierce o vin fat une bieie indagine statistiche sui arlêfs de nestre scuele. O vin domandât trops fruts e frutis sono te classis, in cuâi paîs stâno di cjase, cemût vignino a scuele.... nô o vin dât i numars, ma... al è un plasè fâ matematike par furlan!

Il nestri cartelon al è stât picjât intal cordôr de scuele: vignlt a viodilu!



La CUARTE e la gnot dai muarts

Il mês di Novembar, nô fruts di cuarte o vin let e disegnat la storie: "La gnot dai muarts". La conte e dîs che la sere dal 31 di Otubar i muarts a vegnin fûr dal cimiteris par tornâ a viodi lis lôr cjasis. I spirits a tegnin in man une cjandele o a àn des flamutis leadis su lis pontis dai dêts par vê lusôr. I vîfs ur pronti pan e aghe che a son i simbui de vite che a àn pierdude, ma che par une gnot a puedin tornâ a gjoldi. In cheste gnot no si pues lâ fûr di cjase, ma lis puartis a restin in sfese par lassâ jentrâ i defonts. La int a reste in spiete daûr dai barcons par viodi passâ i spirits sperant di viodi cualchidun che a cognossin. La storie e fâs une vore pôre, ma a nô nus à plasude tant e o vin fats dei dissens bielonons !



17 Mai 2017 - Sale consiliâr dal Comun di Merêt di Tombe - I fruts des tiercis de Scuele Primarie di Pantianins in visite ae Mostre "FURLAN LENGHE DE EUROPE" curade da la Agenzie Regionâl pe Lenghe Furlane (ARLeF).



Ce bieie ativitât cun MELETTA CIUFFETTA! Dutis lis classis a àn let tancj libris par vê lis tessaris par meti adun un grant puzzle colorât !

Al è impuartant lei tant e ben, par viazâ cu la fantasie, par imparâ robis gnovis, par doprâ ben il nestri timp, par savêndi di plui e.. par divertisi! Mandi Meletta, si viodin a setembar!

La CUINTE e i donadôrs dal sanc

Martars, 28 di Març a son vignûts inte nestre classe doi voluntaris de Associazion Furlane Donatôrs di sanc che nus àn fevelât dal grant at di donâ il sanc. Nus àn ancje spiegât tantis robis che o vin di savê sui donatôrs, lis precauzions che o varin ci cjàpâ cuant che o larin a dâ sanc, i grups sanghins e ce che al sucêt cuant che si done. E je stade une experience verementri impuartant, che nus à insegnât tant e nus à interessâts une vore.



Lis mestris e i fruts de classe cuinte a àn sielzût di conta, tal trazionâl lunari, la tiere furlane, i siei paisaços e la sô int, midiant lis oparis pitorichis fatis di artiscj furlans contemporanis. I fruts a àn “cupiât” i quadris, cirint di rispjetâ lis liniis e i colôrs, ma metint ancje dentri un alc di lôr, personâl. Lis technichis dopradis a van des temparis ai pasteis, aes ceris, ai agarei. I fruts a àn provât a riprodusi variis oparis dai difarents periodis artistics considerâts, cirint di capî cualis che a son lis carateristichis di ogni sorte di piture. Il lunari al è stât publicât mediant il contribût de Pro Loco di Pantianins e da la Associazion Cultural “Qui Pantianicco”. Al è un lavôr une vore interessant, istrutîf e plen di colôrs che al vignarà in-

zornât e riproponût il prossim an in ocasion dal piçul marcjat di Naddâl a pro des scuelis di Merêt di Tombe. I fantats de cuinte us consein di prenotâ une copie daurman e us saludin parce che a àn di polsâ prime di là te scuele secondarie!

REDAZION

Ideazion e coordinament:

Mestre Genny

Argoments e tescj:

Lis mestris di furlan
Gianna, Antonella, Daniela,
Genny e Meri

Ringraziaments:

al Dirigjent Scolastic Maurizio Driol,
a Francesco Altan par la vignete di repertori,
ae Aministrazion Comunâl di Merêt di Tombe,
ae ARLEF pe bieles mostre, ae AFDS
par vè sostignût la stampe a colôrs, a dutis
lis mestris e ai famôs fruts de Scuole
Primarie di Pantianins.

Un graciis di ♥ ae Mestre **GIULIA**, cumò
par dabon in pension, che e à vût la bieles idee
dal titul dal nestri giornâl!

Mandi a ducj...

... e buinis vacancis!

